

DS
793
S432
W775
1761
v.1



新刊康對山先生武功縣志序

夫邑之有志。猶歷代有史也。邑志之有。前明康殿撰對山武功志。猶歷代諸史之有司馬氏史也。對山蓋以史法爲志法者。讀遷史則知斯志之善矣。然此特論其文。而經濟之學。實載於中。未嘗以文掩。予自弱冠時。卽聞秦多名志。而對山武功志。人皆推爲第一書。丁丑秋奉

命來邑。取其志讀之。僅七篇。初疑爲簡。竟讀始知其不可殫。地理自有邵氏肇封。迄於勝國。數千載沿革。與夫川原古蹟。不俟煩言。歷歷可考。顧以風俗終始。謂移易者。責在邑長。爾志建置次第井然。官署外獨於學校興復加詳。長斯邑者。得不視爲急務歟。事神爲治民之典故。祿以祀之。有修葺必書。示主祀者。知所敬也。若夫地闢民聚。賦役有經。而官忘撫字。吏肆

月
貪求豪強任所低昂。物產因而虧竭。民力奚支。言之洞然。惻然使人一披覽。傷懷者。田賦志也。思深哉。是篇親民之官。尤宜三復。官師志善惡並列。足爲勸懲。令讀者慕且懼焉。斯非當官之炯鑑耶。人物選舉二篇。可互觀。至其賢才輩出。科第聯翩。必歸諸政教。則言外之意可思矣。要之七篇義法。原於龍門而經濟名言。胥關治理於乎。此志之所以善哉。予庸學無能。叨荷

聖恩簡用。承乏名區。五載於茲。自慚碌碌。報稱何由。每讀斯志。法戒分明。知爲切要之編。可借以策其未逮。所憾魚魯混淆。更或點竄動移。失其本色耳。在籍太史孫酉峯先生。覓舊刻細爲校讐。正其謬闕。其疑加之評註。有年矣。而志之善乃益章焉。予求觀之。遂付梓以公諸同好者。當不徒取其文而遺其

所載視爲飾輪轅之虛車也。

書
乾隆二十六年辛巳重陽前一日知武功縣事長白瑪星阿

新刊康對山先生武功縣志序

自對山康先生著吾武功志七篇。世之讀者莫不稱善。予讀斯志數十年。好之甚篤。竊謂先生實史才。以史才而見於邑志。宜其志之法。扶世教。正人心。埒於良史。而傳之獨可久焉。豈以文哉。然豈不以文哉。或謂先生史官也。故以史體爲志體。是第見其官師篇美惡並書。別於他志。而於七篇無筆非史法者。殆未之悉耳。夫志之與史偶殊者體也。而無不同者法也。有其才。則有其法。體之同否。可盡拘歟。先生作志時。解史局已十載。試觀七篇中。地理建置祠祀田賦選舉五者。視史體復何殊。惟官師人物義不當假史官褒貶之權。而官師人物之列於前史。如酷吏趙禹毛若虛。其行又誰能隱之。卽明代官師亦自有不能爲之隱者。則先生之於美惡並書。非僭也。然非後人所易效。至於明代科貢人物。有褒無貶。與

史體畧殊者在茲。故曰志者史之餘也。涇野呂氏云。康德涵漢馬遷之才。學之博猶未逮。此爲深知先生語。學者不知遷史之法。烏知斯志之卽史。知遷史之法。而徒事摹擬者。亦烏知斯志之爲史。法史才而不襲遷史之貌耶。於乎善哉。已任者讀之。可以識政。未仕者讀之。可以勉學。而沾丐所及。則更有資於攻文者。可由此而問龍門之津也。斯誠邑乘之極則已。原刻無藏者。翻本多豕亥相淆。而予尤病其失作者本色。嘗從事校讐。欲復先生之舊。近得張子萊峯所藏善本。與他刻相參。爰正其訛謬。闕其所疑。而又以素所管窺者。妄加評點。而畧註之。自知謏劣。不足溲斯志之妙遠。亦聊記予數十年讀之之功。俟後之讀斯志者。因予說而細論焉。原序二跋一。新增趙子函序一。諸家評語附序後。命次子嚮錄而存諸篋。時已卯歲夏五月也。今年秋七月。明府敬齋瑪公。刻先生集。

方竣卽欲續刻斯志予重明府留意於斯而非若予之徒好其文也遂樂與再爲訂之而請正於世之同好者

乾隆二十六年辛巳九月丙申邑後學孫景烈書

卷之四

四

康對山先生武功縣志後序

明敷元康對山著武功縣志七篇。簡而有體。質而彌文。辭直而事核。善惡並述。以寓勸懲。無虛恢。無隱避。爲實錄而近理。論者比之太史公書。夫是同記載之極軌。志乘之標則也。顧歲久漶漫。已亥難稽。乃翻刻時。復有從而點竄動移者。於序對山之志。其非完書久矣。西峯先生者。言輒及之。爲形歎息。適余家中故有所藏原刻善本。廼取以詳校而訂正。用還對山之舊。而七篇復成完書。更以其平日所獨心得。或參考諸史集者。爲評且註也。邑侯瑪公刻對山文集。旣竟。因續付梓。匝閱月而工告竣焉。昔王新城歷數秦中名志。獨以武功爲第一。而凡他著述家。皆莫不亟稱其美善。今且復得西峯先生評註。俾後之讀者。咸知法焉。遠矣哉其嘉惠之心。蓋亦曷有弗極也。至書中義法之精深。體例之微密。已具詳

先生與邑侯序中故第爲識其顛末如此云。

乾隆二十六年歲在辛巳冬十月望後五日邑後學張洲萊峯書

新刊康對山先生武功縣志卷首

邑人孫景烈孟揚評註

長白瑪星阿景謙參訂

邑庠生

耿性直伯正

王應槐兆三

全校

孫景熙季揚

何

瑞雲卿

武功縣志原序

予嘗兩至武功。涉漆釣津。陟雍丘。遊鳳麓。渡渭而尋太白終南之
奇。北顧九嶷諸山。則見碧流襟帶。翠嶽揖讓。珍木蔚薈。灝光組綺。
風氣翕乎四來。龍虎儼而交應。未嘗不臨景命筆。而羨斯地之勝
也。及予訪后稷之墟。覽唐太宗之舊。問蘇子卿之允。參張橫渠之
象。誦康尙書之勳。然後知斯地之效。而對客談山。言未或忘之。夫
美稼不發堯堯。修松不挺培塿。斯已然矣。若乃楨高而築堵不繼。

陳烈當作
王烈陳烈
見宋史隱
逸傳王烈
字彥方太
原人
祠祀下遺
田賦當云
田賦先古
而後今

表正而式影弗端則求諸嗣有政教者焉夫后稷政之祖橫渠教
之宗官無后稷之心者皆忍夫師無橫渠之志者皆僨客如亡表
之有托卽政教之咸興繫茲人物有不恒茂者乎雖然政不必
官識法者卽可立教不必皆師見道者卽可端故陳烈之政亦
太原綿駒之歌能教齊右武功之志凡以憂夫此也志七篇地
約而不漏建置則而有據祠祀先今而後古官師直書而勸戒
形人物之志浩乎其無窮也君子於是乎思古於是乎徵今於是
乎開來其志已勤矣遷舉崇義而黜利蓋志之良者也學者觀其
志目亦思過半矣是志也撰之者吾友康子德涵刻之者邑侯西
蜀馮玉仲則斯政教也爲有歸矣正德己卯冬十一月甲寅涇縣

呂柟書

武功康子作志七篇以記載武功之故緒理要會蓋粲然明備

大復集

口戶大復

集作戶口

地畝由狹

而廣戶口

由寡而衆

似未可云

歸本流末

大復集

三其政事顯義用昭勸鑒有可述焉夫先王之政紀其山川辨其疆域程其土宜稽其俗尚肆其采物以謹封守而察時變故書叙九邱詩陳列國採風者具其美惡董事者正其得失務在因道財化追俗爲制以施于久遠已爾夫天下之勢其所由來亡不有漸苟非蚤見而力救之則其勢莫可回而患成循約而治厚生而安其始未嘗弗一致迨于風尚澆淺而德實靡波其治不可長也戶口繁增而生利蹙薄其安不可久也可以弗愼其漸哉余覽康子之書其地畝則由狹而廣口戶則由寡而衆賦役則由省而興財費則由約而靡其業產則由富而貧地利則由饒而減民性則由強而弱風俗則由厚而漓吏治則由良而奸人才則由實而虛文教則由振而委亡弗降本流末廢正趨弊者矣嗟乎豈獨一邑然哉由此可以例諸四方矣正德十四年己卯冬十二月五日大復

山人汝南何景明撰并書

重刻武功縣志序

昔在漢蕭相國入秦。先收圖籍。說者謂圖籍卽今中秘書。而余謂不然。三代詩書已盡付祖龍之炎。安所得中秘書而收之。秦所有圖籍。不過山川道塗之廣狹。郡國人民之增減。紀綱風俗之上下。然則今志之類耳。蕭相國汲汲于此。以輔成四百年之治。魏晉而後。皆不能及。則相國之識周也。相國所收之圖籍。竊以爲與今之志又異。古之志。非狐之直。邱明之核。不以操觚。故其文多可存。而今之志。博雅不足。其弊俚。褒貶無當。其弊妄。甚者狂心謾舌。訟紛紜。倘令在漢。不足以當蕭相國之一盼。而又何收焉。明興百有餘年。人文蔚起。當弘正時。有康先生德涵爲首倡。顧獨偃蹇。削籍以死。而以其華衮斧鉞之權。寄之武功之志。然則康先生之志。

即古之良史。不是過也。康先生亡而康先生之志愈益著。評者至
謂爲今郡邑志之最。而板本雖存。不無追蠹之恨。又其後百有餘
年。而許侯實來。遡漆水循雍原。弔康先生之里。而首求康先生之
志。慨然表章之。然則許侯之刻康先生之志。卽古之良相。又不是
過也。夫今天下有一統志。諸省有通志。諸郡邑亦各有志。作述代
興。莫不家董狐而人左氏。而歷世未久。銷亡幾盡。顧安得爲志者
皆如康先生。今天下之縉綬而稱長吏。送往事居。緇塵絡繹。其遷
者侈稱潁川。其謫者咨嗟卽墨。而核其圖籍。百不舉一。顧安得爲
郡邑者。皆如許侯。以是采之太史。上之相國。于以觀其山川道塗
之廣狹。稽其郡國人民之增減。攷其紀綱風俗之上下。以襄成聖
天子之治。比隆炎漢。而後知康先生生與許侯兩人相遇不虛耳。
余不敏。竊慕康先生久矣。而又與康先生之孫禹民萬民友善。因

得論著其意以示後之讀康先生之志者。盤屋趙嶠撰

諸家評語

胡可泉序甘肅志曰。今之州郡古國也。今之志古史也。而可他史乎。況編年乎。而何以訓乎。觀康太史志武功。童太史志沔陽。猶存史體可放也。

邑令相蓮石邦教曰。七篇文簡而明。事覈而要。且其義昭勸鑒尤嚴而公。鄉國之史莫良於此志矣。

王阮亭蠶尾集新城縣新誌序云。以予所聞見。前明郡邑之誌。不啻充棟。而文簡事覈。訓詞爾雅。無如康對山誌武功。其他若王漢陂誌鄠。呂涇野誌高陵。韓五泉誌朝邑。喬三石誌耀。胡可泉誌趙淩谷誌平涼。孫立亭誌富平。汪來誌北地。劉九經誌柳。張光華誌華。其地率秦地。其人率秦人也。故予嘗謂前明郡縣之誌無不

秦者以其猶有黃圖決錄之遺焉。

阮亭又曰近世志書能文簡事覈訓詞爾雅無如康對山之武功志。次則王漢陂之鄠志。呂涇野之高陵志。韓五泉之朝邑志。喬三石之耀志。胡可泉之秦志。趙浚谷之平涼志。孫立亭之富平志。張光孝之華志。皆秦人皆北美於對山者。

阮亭跋朝邑誌云韓五泉朝邑誌與康對山武功誌並稱先輩稱爲巨麗。

阮亭池北偶談云康德涵武功官師志學柳子厚先友記柳作獨孤申叔墓碣末載其友十三人姓氏與先友記同一奇格。

宋牧仲題對山武功志卷尾詩有簡潔居然並馬班之句桂林陳榕門云對山武功志文簡事核凡所紀載悉關國計民生人心風俗確乎可傳可爲志乘之極則。

卷之一

地理第一

建置第二

祠祀第三

卷之二

田賦第四

官師第五

卷之三

人物第六

選舉第七

夫志者記也。記其地理風俗人物之事也。武功志余先君子長公

筆墨簡古
一開卷即
知其爲史
筆之精華

蓋嘗述之。然縣官掌故弗嚴人匿之矣。余於是卒成先人之志。畧
序撰之。凡山川城郭。與風俗推移。皆地理所具。作地理第一。官署
學校。及諸有司所興行。皆建置之事。作建置第二。治民人者。先其
神。故祠祀興焉。作祠祀第三。有田則有賦。有身則有役。田賦之政
國所重焉。作田賦第四。疆域人民。非官不守。禮樂教化。非官不行。
作官師第五。文獻之事。邦邑所先。以稽古昔。以啟後賢。作人物第
六。科貢制行。士繇以興。作選舉第七。凡七篇。

武功縣志卷之一

地理志第一

夫武功古有彥氏之國也。有彥氏有女曰姜原。爲帝嚳元妃。生堯。堯氏稼穡有功。堯封于彥。號曰后稷。后稷卒。子不窋嗣。不窋末年。夏后氏政衰。去稷不務。乃奔于戎狄之間。周興。爲岐豐之城。平王東遷。賜豐鎬于秦。秦遂爲秦邑。至始皇列天下爲郡縣。以彥爲崇。漢改武功縣。隸右扶風。去古彥城二十里。王莽曰新光。東漢復徙古彥城。魏置爲武功郡。領美陽縣。晉改屬始平郡。後魏復爲武功郡。周改雍州。武帝建德三年。復置武功郡。治郿城。已而復爲縣。隋改隸京兆郡。唐武德三年。改置稷州。以武功好時。蓋屋郿。鳳泉隸之。尋又析始平置扶風縣。四年。以岐州屬川隸之。七年。又以隸岐州。貞觀元年。隸雍州。天授二年。又置稷州。領武功。文明元年。析以

數千年
沿革
詳明
有法
為
要古

張良弼
張恩道
張西州
皆李思
善道所

奉乾陵乾寧二年以奉天置乾州領好時武功蓋屋醴泉而屬京兆府後唐同光中隸鳳翔長興元年復立京兆而以武功隸焉後晉置武功郡後周復改為縣宋隸永興軍路京兆府政和八年同醴泉移隸醴州金改武亭縣元復為武功隸乾州明興因之而屬西安府廣四十五里袤五十里東與平東南鄠南蓋屋西南鄠西扶風西北麟遊北乾州東北醴泉城圍三里二百三十步半附雍原之麓元末張良弼李思齊增築以據守者循原又列十有二城洪武九年長興侯弟都督忠奉詔屯戍于此以控制關內復增築之諸城皆至今存舊志云雍州之域井鬼之次有平原控其東鳳閣翼其西長川帶其北終南太白揖其南蓋古形勝之區強武之國也治凡十五里

里名見建置志

有黎氏國

說文炎帝後姜姓

不密

括地志不密故城在慶州

列

天下為郡縣部武功俱以樂為樂後漢地理志部亭註漢改武

功縣元和志武功秦孝公時置柳子厚云隸右扶風按前漢地

風有漆秦作四十一縣部美陽武功各異隸右扶風按前漢地

武功三縣按後漢郡國志永徙古虢城縣實字記東漢省

於古魏置武功郡按魏武功屬扶風郡後魏扶風郡領縣五

實字記後魏移美周改雍州無古同書武帝天和元年復置武

功郡按隋書別置武功復為縣實字記周省武功郡別圍川唐

地理志本隸岐州唐書云以置稷州唐書天授二年置金

改武亭金志以顯宗諱長興侯名炳

舊志有山原七川六太乙山屬蓋屋太白武功兩山與褒谷水屬

五丈原屬岐三時原屬扶風故俱不復載載其今有者

東原在縣東其南與雍原相直或曰通西原皆謂雍原云

雍原即縣西原城所附者古周原也鳳岡者原北行岡也

武亭川縣川也其南十二里古川口蓋漆水川也

通鑑武亭川註川在漆渭交合處

漆水縣東門外水今謬為武水者也自關岐之間來縣北受洛水

南受漳水入渭鄭漁仲序地理畧謂天下如指諸掌而信漆由富

平入渭之說蓋括地志未審關岐涇渭脉絡所在富平在涇東

在涇西安有岐梁之水越涇而東再至富平始入渭也漁仲誤且

如此况其餘乎詩曰自土沮漆漢書曰漆在漆縣今部同與蘇封里

有漆村是也

按縣漆水源出舊普潤縣西青青山下經合岐杜諸水

好時至黃家堡入縣界漁仲名樵蒲田人宋建功縣學若

夾漆先生著通志前漢地理志漆沮水在縣西

洛水乾州西夾道水也亦從南山來意此或即沮水關西人

讀漆若于沮周易訛爾漁仲亦以東自富平入渭殊誤

小源山
華谷

按乾州西夷道水名漢谷音莫欲訛云沐浴漢谷水出永壽
麻亭嶺經乾州西南三十里行夾谷中至董晁村入縣界

漳水即圍川水自扶風東門外受鳳泉水至縣南從漆水入渭

建子溝在縣南十七里近慶善宮

唐太宗
懸弧地

美陽故城在縣西原八里後漸徙鳳泉東則今扶風境內也

古釐城在縣南八里漆村東古有釐氏之國也今縣西南三十里

亦有釐城者前漢徙置之爾

史記正義曰故雍縣南七里故釐城一名武功縣又曰故釐城在雍武功西南二十二里

高泉宮在古美陽城秦宣太后宮也

宣太后秦
昭王母

慶善宮在川口東南今没于渭唐高祖故宅武德六年改名慶善

宮太宗所生宅也貞觀六年幸之宴從臣賞賜閭里同漢沛宛帝

慶唐書高
祖武德四
年幸棧州
如武功夢
善宮

景逐一作日逐

一作槐元黃

一作雲黃

一作雲黃

一作雲黃

一作雲黃

一作雲黃

一作雲黃

一作雲黃

一作雲黃

一作雲黃

一作雲黃

一作雲黃

一作雲黃

一作雲黃

一作雲黃

一作雲黃

一作雲黃

一作雲黃

一作雲黃

歡甚賦詩曰壽邱唯舊跡豐邑乃前基粵予承累聖懸弧亦在茲

弱齡逢運改提劍鬱匡時指麾八荒定懷柔萬國夷梯山感人歎

駕海亦來思單于陪武帳景逐衛文螭端宸朝四岳無為任百司

霜節明秋景輕冰結水湄元黃遍原隰儲峙積京坻共樂還譙燕

歡此大風詩起居郎呂才被之管絃為功成慶善樂名九功之舞

十一年冬獵于武功賦冬狩詩曰烈烈寒風起慘慘飛雲浮霜濃

苑玉勒騁平疇旌旗四望合且綱一面求楚路爭麋殪秦亡角鹿

愁獸忙投密樹鳴驚起沙洲騎歛原塵靜戈廻嶺日收心悲洛南

逸意在渭濱遊禽荒因再幸慶善宮上更賦詩曰禽愁昔叢况茲

非所樂撫轡更招憂因再幸慶善宮上更賦詩曰禽愁昔叢况茲

承膚德懷舊感深衷積善忻餘慶暢武悅成功垂衣天下治端拱

車書同白水巡前跡丹陵幸舊宮列筵歡故老高宴聚新豐駐蹕

撫田畯廻輿訪牧童瑞氣縈丹闕祥烟散碧空孤帝又有遇武功

嶼含霜白遙山帶日紅於焉歡擊筑聊以詠南風

舊宅詩二篇許敬宗上官儀應制奉和焉今悉著于篇可以觀見

當時之盛云帝詩其二新豐停翠輦離邑駐鳴笳園荒一徑斷臺

當年詩一古半峭斜前池消舊水昔樹發今花一朝辭此地四

本列本作
即假師
立今

成其二金輿巡白小玉輦駐新豐組落藤披架花殘菊
定鋪荒草蔓流竭半池空綴佩蘭洲徑舒珪葉剪桐昔地一
內今宅九圍中架海波澄鏡鞘戈器反農八表同文軌無勞歌大
威敬宗詩飛雲臨紫極出震表青光白爾家寶海今茲反帝鄉情
深感代國樂甚宴譙方白水浮佳氣黃星聚太常參鳳鳴層閣清
奎賀雕梁桂山猶總瑟蘅薄尚流芳攀鱗有遺皓沐德忭稱觴
詩石關清曉夏旋輿御早秋神麾颺珠雨仙吹響飛流沛水祥雲
泛宛郊瑞氣浮大風凝漢筦叢烟入舞球翠梧臨鳳邸滋蘭帶
州腰伯歌元化邑蹕頌王遊宮後又改爲慈德寺史逸其年今寶
遺簪謬詒獎理筆荷恩休

村北仍有寺名慈德蓋沒而遷者也

慈亭在縣西南三十里漢地理志載亭長事者也東漢徙縣古蔡
城而以爲亭也今屬扶風縣

後漢王仲字少林除櫛令到官至濂亭亭長曰亭有鬼不可
也仲入亭止宿夜中有女子稱冤明旦召游徼詰問伏辜見雲
傳行

高望亭在縣東二十五里唐天后武氏行宮世說中宗築以望乾
陵者

綠野亭今在縣南郭東外為宋儒張子子厚寓所張子與武功

張山甫厚故武功弟子因從子厚遊亭此講學焉弘治八年冬戶

部尚書沁水李瀚時以御史巡按至諸生以白御史御史廼謀于

提學副使今少傳吏部尚書楊公一清楊公以知縣學通有良治

能用其民一以責學通踰年乃成改曰綠野書院擇師授徒文教

彬彬然勃然興焉書院前為堂祠祭子厚而後建講堂學舍故禮

部尚書吳文定公寬有碑碑曰闕中有大儒曰橫渠張先生當宋

孟子此夫自堯舜至于孔子率五百歲而道傳孔子沒而道無

所屬此孟子之自叙而其有在之意亦可見也至昌黎韓氏以

之過矣者而秦漢以下儒者亦多而曰不得其傳則孟子豈易

哉自唐至于宋又五百歲始得濂溪周子河南程子先生實重

而由而君子獨以先生比之孟子雖程子亦推稱之則其人品之

寬字原博長洲人
吳文定公寬字原博長洲人
碑字下碑
碑字下碑
碑字下碑

一壽字應
雲南安
州人

此項五國
要約爲國
際法三編

外野而選。即移疾屏居南山下。以事著書。蓋史之所記大畧如此。此非所以教學者也。嘗行縣顧瞻山水。明麗可愛。所謂綠野亭者。歲久既毀。而遺址猶存。先賢風旨宛然如見。始謀卽其地構屋以祠先生。別爲屋俾士子講習其中。庶幾仰止景行之意。諸生聞之。相與感激。言于巡按御史李君叔淵。叔淵雅重風教。乃下其事于君。君以縣令宋學通嘗復古廢祠。亦知急先務者。復以事委之。通方經度財用。而邦人士咸樂相助。數月而功畢。名之曰綠野書院。擇士子充于其中。而以縣學訓導趙文傑爲之師。俾日講性理之學。凡縣學諸生。則三日一至聽講。其規約大率與白鹿洞陽明未幾。若西安鳳翔諸生聞風就學者踵至。君時坐堂上。躬督勸之。瀛風乎道學之流行也。君旣喜其志之成。間以書請記。夫養士于學校。取士于科第。此固朝廷今日之法。然學校之所講習者。經傳之精微。欲用其人。特以科第取之耳。爲士者昧其意。以聖賢之言。止用以資爲利祿之計。而不知道與法之不相背也。今幸賢士臣有見於此。積其故翼。特爲此舉。以作興之。學政之大。無踰於此。其用心可謂至矣。使今之領學政者。皆如君之用心。風教其丕變也乎。雖然。聖賢之言。學者於此無弗當講者。而橫渠先生尤吾今日舉比之師也。其書則正蒙西銘具在。因其言求其心。反之於左見之於事。而又謹其節文。循其以禮爲教之規。拔于流俗爲世儒。此固賢憲臣所望于士子者也。于是取科第出爲世用。以行其所學。實憲臣之意。亦豈爲士子禁哉。書院建于明治九年六月。工畢。于是年十二月。明年十月癸未記。今去改建才

三子君子
雲對山也

入貢十四
安瀾山

二十三年矣其廢壞已十四五况久遠乎綠野亭故在漢義勇武

安王廟後稍北原址下有古洞成化末猶傳有石刻亭記居民至

其害已也乃投其石于井中宋侯欲去狹隘且厭與細民爭棲故

移之于此此故葆真庵宋侯易民田恢闢爾何若仍置諸山下為

實錄近理也縣學訓導趙文傑詩城南步百路西村四五常開小

龍坤德王申翰林院修撰呂柟於綠野書院謁橫渠先生祠堂詩

二月入武功載謁橫渠祠春桃雜芳濶好鳥鳴天枝綠野終南

含情實在茲昂求會夙夜人亡道未涯散臯下程氏執禮西仲尼

衣時脫支蔓詩頑那有私瞻依真氣象無復夢中疑茲邦有君子

跡殊路不岐象邁存餘烈高懷有我知鵬飛要扶搖鯢化白

日今見之順文應不斬

岸高也岸高也

韋應物宅應物長安人漁陽兵亂後流落失職始更折節讀書居

居于武功然莫知何里其經武功舊宅詩云茲邑昔所遊嘉會常

川流駛。樹有羈雌宿。多累恒悲往。長年覺時速。欲去中復留。徘徊心曲。

姜原墓舊志云。在上南門外。南去三百六十步。又西四十步。有三次墓在坎上。與東原梅家庄直。

隋煬帝墓在縣西原。武德五年八月辛亥。唐高祖葬帝于此。

按煬帝本紀。將軍陳稜葬帝於吳公臺下。唐平江南之後。改葬雷塘。唐高祖本紀。武德五年八月辛亥。葬隋煬帝。唐地理志。武功西原。煬帝所葬。帝無考。煬殤字相似。易訛。

蘇武墓在縣北。

蘇許公墓在縣西南博村。其神道碑在新寨西道南。

石墨鐫華碑。隸書。剝蝕過半。書法猶有漢魏遺意。金石畧云。盧藏用書。而金石錄云。藏用撰書。文苑英華藏用撰序。張說撰銘。

在縣西北八里。碑為耕者沒之地。華表存焉。

藏用代石刻。師雄墓志。邵繼書。石墨鐫華云。志張舜民撰。

三
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

三
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

東漢地理志曰。簾在濠縣。其民有會日中以相與。夜中市。如不爲
則有災咎。故志曰。風俗剛勁。不事進退。有古人之風。漢
志。三。一。二。三。四。五。六。七。八。九。十。十一。十二。十三。十四。十五。十六。十七。十八。十九。二十。
其可以定論哉。成化時。人重使氣。不肯
靡。理之者。至於把持治吏。鄉人皆相推畏。而之。或至武斷於鄉
今。卽有冤者。不敢正目下吏矣。弘治時。習侈善。無豐儉之節。日
日擊鼓聚會。靡有厭飫。少年得分銀尺布。則弗計蔬饌。置酒彈絃。
不避長老。時節遊行。男女率治容祔服。佔佔自見。或又好爽快爲
賢。多言習禮。送死奢靡。擬諸王侯。壻莫婦翁。至於傾產。蓋承平之
久。法制明白。貪官污吏。毋所肆意。百姓富庶。靡有他慮。要之天下
皆然。不獨此也。今或不能供賦役。葺田廬矣。然人事日趣。諸簡約
斯亦反古之漸也。

祇與模同俗作妖佔
店平聲佔佔輕薄也

建置志第二

縣署在城西北北抵城西抵后稷廟下原麓東抵文廟洪武初知

縣祀重建倉二俱在署內原麓下草場一在城隍廟西圍一百步唐

有柳子厚縣丞廳壁記殷頌曰邦畿千里周制千里之內曰甸服

今京兆府理京師部二十有三縣幅員之廣其猶古也縣吏之長

曰令曰丞丞之位正八品下蓋丞述六職以輔其令也秦漢有丞

相今尚書有左右丞御史中丞至于九卿之列亦皆有丞下以達

天下之縣政有左右丞御史中丞至于九卿之列亦皆有丞下以達

封有部之地秦作四十一縣部美陽武功各異至是合焉蓋嘗為

稷州已而復縣其土疆沃美高厚有邱陵墳衍之大其植物豐暢

茂遂有秬秠藿菽之宜其人善樹藝其俗有禮讓宜乎其大雅之

遺烈焉貞元之十五年改邑于南里既成新城凡官署舊記壁壞

文逸而求克繼之者後三年而潁川陳南仲居是官邑人宜之號

為簡靖因其族子存持地圖以來謁余為記夫以武功疆理之大

他本七作
誤
里城
今縣南二
許地名

鑒字上下
疑有缺字
室字下似
不宜空

卷之一

游靖重修縣廳碑

是邑侯喜於事功

臨政不苟風夜憂勤以身任

責整案牒決訟獄事無巨細靡不究心明年改元政和治行稍著

士樂教養民無積逋闔境歡戴政上聞暇一日侯謂同僚曰有官守

無調發民無積逋闔境歡戴政上聞暇一日侯謂同僚曰有官守

者常樂因循而憚改作事漏弗填忽傾弗支期以代去自為得計

其或好遊觀務將迎起臺榭陂池之役倚勢作威因緣為奸至於

公宇之敝往往引嫌而不加意是誠何心哉及其屋壞垣頽甚皇

失措又負僂植疲民蠹財不可勝計如是則公府奚賴予待罪於

此既喜民之易治又喜前人之用心顧瞻庭宇華屋在前金碧輝

映乃開封高士徹所建手詔亭也堂皇在後規摹簡約乃蓋然

義山所新正寢也准陽錢秉創鑒堂大梁李宗作清心堂河南

趙茂曾增修錢庫及居養院陽翟孟通廣闢庾舍內外完葺煥然

一新唯令廳湫隘敝陋殆不堪處驗其故記實天聖中神公世衡

改造迄今八十餘年侯復嘆曰不廢不興不敝不新舍此而不事

不惟有愧於前人之用心亦何異夫樂因循而憚改作者邪矧是

廳也頌詔出令承流宣化之所臨制劇邑絡繹兩川喉襟數路正

當四達之衝亦必有以稱矣於是慮材鳩傭徹去棟楹梁檁之折

撓與夫蓋瓦級磚之缺者躬自經營悅使有術人不以為勞增廣

制度壯偉闕耀人不以為侈聽既成侯會賓寮落之是日也黃童

白叟闐溢庭下瞻仰咨嗟始知公府之嚴令尹之尊也如是嗚呼

官是職者必有以處是廳也處是廳者必有以任是責也侯之

川踐歷中外為時聞人嘗受知於仁廟有醇儒循吏之稱所賜

宸翰至今寶之侯念德不怠果能任責以孚民望真可謂善

處諸難訪
故傳

徒他本作

誤作復俱

記即錄記
便知書後

龜本錯訛
者依原碑
改正

學當作霍

其家者也。則期文之作。豈特記新廳之歲月。揚厲侯之盛美。又得
發明名邑之因。以召後人。故係之以詞。其詞曰。太白崢嶸。作鎮坤
靈。武功山連。亘古長青。堯封后稷。周賜秦嬴。作邑於此。因山命名。
漢自渭南。徙古郿城。宇文造周。易治中亭。中亭之川。原隰砥平。唐
為郿州。作輔陪京。復隸天府。邑是以寧。鳳閣西拱。武水南傾。人尚
禮遜。俗務農耕。神堯誕聖。壤迺騰聲。姚合發詠。柳子詳評。我侯臨
蒞。訟簡刑清。民無調發。兵無戰征。匪植其私。匪徒其榮。克紹祖德。
允協民情。載瞻載仰。政治惟馨。敢告來者。無忘經營。

儒學在縣署東北抵城東西皆抵民廬而獨堂西七丈許抵北街。

洪武初知縣祀建正統時知縣俊重修。宋有縣令趙茂曾碑。士志
者常患乎不得遂其學。得遂其學者常患乎不得信其志。遂其學
矣。時能信之。則若子以為榮。遇焉。此武功縣學之興而銘序之所
以作也。建中靖國元年夏四月。知京兆府孫公覽奏。以壽春縣令
趙茂曾知武功事。秋八月。公去。崇寧元年春三月。茂曾始來。是秋
貢士。府十四縣懸格所取武功居多。皆嘆息其遺者尤眾。既冬。邑
人相謂曰。賊盜賊撫良善。政令之所在也。孝弟嫻睦。以考其行。經
誦講習。以和其心。性命道德。以進其學。實士人之所望焉。乃謀董
孔子廟。聚生徒。而淺陋不可居。十二月有詔。建州學縣學養士之
法。同僚相語。以州縣吏雖尊。賤有次。其申明孝弟。孰後先邪。茂曾
懼然以興曰。疇敢不祇若王之休命。明年春。訪隙地。稟於府。願易

文簡勁可

聖聖經清

孫昌

守也

卷之一

序

廟西樓店基為學舍。知府事虞公策從之。徹木於淫祠。經費千計。臺轉運副使許公天啟可所請。即日給官錢五十萬。資其用度。於是築新基。南向為麗澤堂。左右前廡。庑布八齋。名之以道德。皆新作也。其東宣聖殿。小學職掌之位。庖厨祭器。隸者所直。舊舍足為補缺。益卑與新允稱。總五十五楹。基長二十有五尋。廣十有二尋。餘六尺。經始於二月乙丑。落成於三月癸巳。嗚呼。學校為事。必興於聖人極盛之時。三代可監也。蓋備所養以期所用。今吾君待天下之士厚矣。天下之士宜思所以副之。茂曾何人。獲宣聖化。且得効犬馬之力於其間。為遇為榮。罔可言計。謹拜稽首。敘事勒銘。著之金石。以告學者。銘曰。夏后庠序。商邦瞽宗。周王頻宮。申之孝思。漸摩仁義。各殊迹同。明明我主。超三邁五。人材是隆。民有藝則。好是懿德。谷山以容。家黨術國。塾序學。慨然事崇。遞升次舉。匪私是與。允期於公。咨爾有眾。學以致用。勿尸厥中。入孝出弟。居仁由義。敏則有功。以副盛時。允能應幾。三代之風。據碑則今之縣署乃學。不知何時改易之。豈金元兵燹之餘。草昧之際。縣廢而學存。治事者姑且居之。乃其後竟因而不返。與正德八年。知縣劉紹重建明倫堂。十三年。御史張文明行縣。以廟學頽敝。命知縣昌修理。更以涓源度頭抽分益之。昌憂去。明年。御史張欽行縣。見其益敝。乃與守巡參政畢昭副使楊鳳謀通借咸陽行棧抽稅屬

知趙錦監抽會都御史鄭陽檄至嘉啟厥工提學副使何景明
知府劉祥又通責諸知縣瑋茲方集工舉事未已云倉一在堂西
南。

稅課局正德二年罷。

邵城驛在城東南洪武初知縣祀建驛倉卽堂左右廡驛草場在
驛東南城隅。

長寧驛在縣東四十五里俗曰東扶風鎮軍站也成化中移置清
水石嘴。

按對山集驛改置清水
而其卒徒皆徙自扶風

陰陽學在縣門外今廢爲縣獄。

醫學在大十字東舊有地三間今存其半俱知縣祀所建。

僧會司在報本寺。

道會司在鴻禧觀。

申明亭在縣門外。與旌善亭同處。舊志言遊鳳有古旌善亭。又有

古倉在社學之西。

諸行署布政司在宣化街。按察司在縣署西。東面。府署在縣南北

間。長寧分司即古長寧驛也。敝則與興平縣合力修之。禮部侍郎

南公道過武功。書按察分司廳壁。持節西來。過武功。扶桑日上。晨

二組渭河水達波聲小。太白山高樹影重。遺址已無。慈德寺居人

猶說有簾封。東行無眼。前朝事盡在紅塵。綠野中。都御史柳陽言

連次韻。后稷封簾。萬世功。登臨偏感夕陽紅。風生武水波。千尺雲

鎖。香山樹幾重。唐宅基。湮青。平台。許公碑。古碧苔封。行人欲問當

年。臺都在漁樵。晚笛中。侍郎南陽張周幹。次韻。南有名山。號武功

渭水浸曉霞。紅煙迷隋塚。高千尺。雲鎖。邵封。厚幾重。北屋詩書

多。已室滿城。桃李總花封。太宗唐主曾生此。猶說遺踪在。寺中

御史淳安方漢次韻。誰向茲原啟聖功。周人王業伴殘紅。猶瞻王

年。千午通。誰道名山萬里重。慶善有宮。留佛住。姜嫄無廟。任雲

浮城舊跡。知多少。都人荆榛五礫中。知縣宋學通。次韻。公暇信

瑞武功。滿川春雨落花紅。泉通玉井三千丈。雲鎖連城十二重。佛

伯通亭。書綠野。姜嫄荒塚倚鄰封。大

唐天子讀書處。遺跡猶存上閬中。

急遞鋪總鋪在府衙西。迤東三鋪抵興平。曰韓店。可會長寧。

東北一鋪抵乾州。曰董晁。

諸社學舊惟儒學西。有故稅課局址。爾卯治癸丑。知縣學通以提

學條約。則里置一學。又遴選其子弟可教者。里設一師。已乃時督

率之。學各有所在。今得詳之。有興復者。庶幾因而求焉。儒學在城

坊廟里。在布政分司之西。俱得里在王宅村。遊鳳里在遊鳳集

安里在奉安村。韓店里在可曾鋪。西馬午里在故長寧驛。西

里在焦上村。顯義里在燒香臺。渭源里在東渭源村。會同里在

村永豐里。在張捕村。永安里在南姚安村。邵封里在高村。姚安里

在鏡照村。

漢武教場在東郭門北外。

養濟院在邵城驛西。

漏澤園在東郭門南外。

市集在縣方內者三。而縣不論最大者。長寧集。月無間日。遊鳳集。

漢語亦在

之

手

其

院

人

年

以

其

其

其

其

其

其

其

普濟集以日相遞而已。

祠祀志第三

文辭節元
者不載此
著述妄言

文廟在縣署東。宋知武功趙茂曾建。元世祖十五年。至元戊寅。縣令王君營復之。尋擢行臺掾去。長安杜淵繼為令。力成其役。宋有大觀聖作之碑。天下皆有刻。茲不載。元有李昂碑。洪武初。知縣紀更建。正統中。知縣俊加葺治焉。有訓導曲新碑。二碑文辭鄙冗俱不載社稷壇在北郭門外。

風雲雷雨壇在南郭門外。

厲壇在小北門外。

城隍廟在東門內。成化時知縣遂重修。正德初知縣鍾仁嗣修焉。姜原廟長安志在城外西南原麓間。傍有后稷廟。今俱亡矣。今后稷祠在城內西上。故寶意寺址也。弘治丙辰知縣學通改建祠後。

史記封禪
書之祠至
後血食天

又作姜原祠修撰呂枬登門后撰詩天子天下烈播穀廣炎

二月武功曲鵲鳴柳半尚星言拜占祠陟山雲中翔煙川啼春

虎在獨慘愴風塵翳寰宇蘇黎裂予腸細惟躬稼澤誰可使均

高祖祠在鳳岡之巔前則太白行祠也太白蓋封內故山漢承

平八年建祠于此洪武丙辰都督耿忠以縣有高祖故宅故祠高

祖于太白廟堂之後而別自為太白祠記洪武九年春子欽承上

屯田以為邊備東自臨潼櫟陽高陵涇陽三原醴泉興平乾州武

功西抵鳳翔岐山扶風南至郿縣蓋屋等處悉致屯所農作既寒

厄於亢陽種未得下遠近咸以為憂詢諸故老皆曰西南太白乃

本邑之名山上有池歲旱則奉迎是水每禱輒應粵以四月十

旬擇日齋戒躬致祝辭道僧覺用等齋香帛祝文詣山頂投繯

水既至率官僚吏卒暨郡民數百千人備鼓吹郊迎展祭于武功

太白之神祠是夕大雨霽三日乃止遠近罔不周沃及六月天

旱請如前復獲霽是秋八月禾將垂實旱甚復請禱之大雨

至變枯槁為欣榮易畔吟為歌嘯感神之賜甚渥也越明年丁巳

夏四月六月俱旱復奉迎請禱如前歲之儀而亦雨蒙靈貺雨

尺餘聞輦之中軍民鼓舞二歲之間凡五禱於神其感應前後一

樂吳記金
三之精陸
終南圭
面因號
白山其
化爲白
狀如美
王喜志
有太白
山云武
太口去
三百

神之碑誌於道廟之側其載太自古今顯靈之跡并歷代加封蓋
靈蓋自唐元宗天寶中勅建白觀封神應公宋仁宗嘉祐初封清
民侯七年改封明應公神宗熙寧八年進封神應王其所以稱三
濟民靈應昭晰祀典秩然歷歷可見嗚呼人敬神而獲福神依人
而廟享人以誠感神神以靈佑國此由明自然之理也今以神前
後靈感顯應之跡直書刻石置於廟壁庶使後之觀者亦知所崇
敬唐有李白登太白峯杜市喜達行在所詩因并附之上李白詩云
夕陽窮登攀太白與我語爲我開天闢願承冷風去直出浮雲行
舉手可近月前行若無山一別武功去何時復見還杜甫詩西
岐陽信無人遂却迴眼穿當落日心死苦寒灰霧樹行相引道
望或開所親驚老瘦幸苦寒中求其二愁思初驚久淒涼漢苑
生還今日事問道舊時人司馬車初到南陽氣已新喜心翻倒
鳴咽淚沾巾其三死去憑誰報白雲始自憐猶憶太白雪喜遇武
功天影靜千宮裏心蘇七校
前今朝漢社稷新教中興年

唐太宗祠在北郭內溫補觀三清殿後宋元祐戊辰直龍圖閣游

師雄建有趙茂曾神粵有大寶聖人守焉上惟軒義傳記同卷道

而幽厲廢之侯國峰聚上雄蟻食以噴蛆龍而二世亡之漢末秦

虐餽首以眼都操與曲因漢弱而操割以冀其信昭漢喪五代
陳潰於正統隆範有唐附其信昭漢喪五代
天開地泰乃歸於有唐附其信昭漢喪五代

他本作
結矣

賢臣可取法。有暴君汚吏足為戒。皆所以資我聖君。為永永無疆之君。故必能措海宇於昇平。拯黎庶於塗炭。則漢之高祖。唐之太宗。其倫乎。按唐記。太宗文皇帝。以隋開皇十八年十二月戊午。生於武功之別館。有二龍戲門外。三日而去。是京兆府武功縣之南。有唐慶善宮。今為慈德寺。乃其所也。北曰報本寺。神堯之舊宅焉。先是縣圖。雖載厥事。而祀秩無文。龍閣游公。慨然興嘆。率里人。即報本北隅。經始廟貌。法大壯。以律曆。想天日而形塑繪。左右壁間。悉圖正觀朝臣。英姿凜然。彷彿當時之盛。於是肅嚴致敬。有所實元祐三年戊辰歲也。後十四載。洛陽趙茂曾。被命長邑。一日至祠下。而龍閣公弟師韓語之。故且求以記。遂諾之曰。僕元祐末。典獄平涼。見君之伯氏。為使者。愛民以道。率吏以誠。觀其激風俗。敦教化。使法令美意。下浹於田父野老之肌骨。雖古昔召父杜母之流。莫可過者。若夫執律馭師。則折衝尊俎。笑談帷幄。豫計勝否。驗若符契。致朝廷威靈遠震於重譯之巢穴。雖前世班超李牧之輩。無以尚矣。我思其致。今也則亡。常企慕之。恨不得述其梗概。茲幸君之及此也。昔梁州人侯栢年。以廉泉之名。誇其閭里。而史筆書之不遺。矧公肇是祠宇。俾後世識者。以人物稱其風氣。則追遠厚俗之意。豈淺也哉。故論前世治亂之迹。是文皇帝之英傑。因記其祠之者。名字云游公名師雄。字景叔。大宋崇寧元年辛元日謹記。

不知何時作觀祠前。洪武初都督耿忠重修。而仍圖凌煙功

臣二十四人于左右壁。其上各書唐史本傳。乃更刻太穆皇后傳。

及帝世系於舊刻。帝幸慶善宮詩碑陰。跋諸後曰。洪武丙辰春。志

聖帝有
山莊

萬餘來關中。悉建屯戍。因駐武功。而控制之。武功實有唐太宗之
言之地。山川孕靈。篤生賢聖。信不誣也。暇日尋訪故基。得古碑於
城南榛莽中。上刻太宗御製詩二首。乃舊立於慈德寺。而更樹於
安養堂者。碑陰載順聖皇后傳。歲代辭遯。字畫磨滅。殆不可辨。其
是感文皇之聖孝。慨盛述之沉湮。遂命工重為勒。復置於城北
禮觀。蓋太宗遺像在焉。庶使後人益知所敬。而傳之永久云。時
武丁巳正月十有九日也。康長公謁祠詩。晴日生靈極。羣雄同
去。八荒歸聖歷。數語見皇圖。李密終潛洛。鄒陽肯事吳。辨香陳
懸像。

名宦祠在縣署內儀門東外。所祀古今三十三人。

鄉賢祠在文廟戟門西外。所祀古今三十八人。

報本寺高祖別宅也。在北門外。慈德寺見慶善宮。寶意寺見后稷

祠。橫渠先生祠見綠野書院。太白行祠見高祖祠。鴻禧觀見太宗

祠。外有東嶽廟在東郭外。漆水東。關王廟在南郭西外。坎下。火星

祠在小北門外東北野田中。無名氏慈德寺詩。昔年高祖宅。今日

生松下看書忽日西。青雲雙翼翫。白髮近人齊。絕習靜入招提。掃葉
何同昏羣雄各自起。天眷安所存。李生效時哲。覽轡來此軍。崇壙
入深壑。飛鳥不能伸。初接身已殞。宛宛夜夜哭。血風千里聞。國不
務宏遠。驥門何足云。前人昔鴻禧。觀戴法師壁。結髮尚茲道。平百
虛所捐。因言宮殿壯。常陪隱逸士。翳言談真詮。清心詣元理。雲冥
為時擊。破天黃昏。若婦稽首如蟻蟠。板呼喊盆震地起。鬼怪
相。未竟新者奔。君不見豐年黍稷未彌壚。夜半科催方採門。

武功縣志卷之二

田賦志第四

是田一凡
中用二
增字末用
一計字遂
成妙文

志田用順
筆志戶口
用逆筆三
視字甚妙
此山獨
得之法也

夏秋賦與
總數不合

洪武二十四年田凡一千八百九頃一畝六分七釐。永樂十年增二十四頃二畝八分。弘治十五年增二十九頃三十畝一分。正德七年計一千八百六十二頃三十四畝五分七釐。

戶正德七年一千九百七十有八。弘治十五年戶增二百五十七。視永樂十年戶增二百八十八。口增九千八百五十四。視洪武二十四年戶增二百九十五。

口增一萬四千七百四十一。民戶九百七十七。軍戶九百一十九。匠戶三十三。名尉力士戶五。廚戶一。

打捕陰陽醫戶各二。樂戶九。

賦弘治已上不論。論今所賦者一萬七千二百二十七石八斗二升九合九勺一抄七撮。該夏七千七百二石三斗八升三合九勺。

唐用租庸
調法有田
則有租有
身則有庸
有家則有
調租出穀
庸出絹調
出繒纈有
庸曰站戶
之苦如此
而讀之惻

八抄七撮。秋三千五百二十五石四斗四升五合九勺三抄。綿布
一千三百五十匹二丈四尺有桑七千二百八十株。該絲綿二百
三十九斤三兩五錢。課程鈔商稅九千四百貫三百文。酒課三百
七十貫四百文。水磨課六百九十一貫。水磨與其戶。今亡六七十
年。而課鈔猶存。乃繼徵之。其里人。人不能自備。田賦庸調。又安能
他及此。此積弊深達。民由之而不知者也。

正賦之外。有驢馬牛站。五年一易。易者又五年。已又代之。五年之
內。諸丁賦歲調力役事。無一免焉。故站戶多至流移。豪右者或據
其業。爲已有。不然。卽張大聲勢。流移者懼。自恐弗達。遭之也。故益
抵僻。壞有終其身。不能問墳墓。識田廬者矣。

丁賦有戶口食鹽鈔八萬九千三百一十六貫。貫折銀三釐。計二
百六十七兩九錢四分八釐。柏子仁五十斤。貝母七斤。石膏一斤。

物類
羊之
壯也

對山文人

也而於官

民情洞

悉如此文

則古趣洋

率其筆

而巳非

筆健史漢

者所能到

也

只用數虛

字運化許

多物名舉

重若輕能

之極尋常

舊蒲五斤瓜蔓根七斤金銀花四斤共折銀七兩綿羯羊十隻十
兩又有軍器銀四兩布價銀六兩通計二百九十四兩九錢四分
八釐而其餘歲調不與焉賦役之事往予不可曉也自所及見者
其紛紜謬亂何可勝道予竊傷之焉長吏乍服官政平居未嘗覩
識民隱一旦據案執筆老書點算反覆相幻則不勝其煩懣至有
舉手以付者矣豪民巧為規避交倚貴重買官鬻吏無所不至戶
以已為昂而已反趨低故低者益昂昂者益低愚民輾轉相慕至
以為能不如此不可以自快也此其微豈一日之漸哉
物產五穀皆美種而瓜果蔬菜亦嘉木宜桑柘榆柳椿楊桐栢楸
梓白楊竹藥稱羌花小薊甘遂地黃半夏香附車前益母薄荷烏
獸惟所恒畜亦有狐兔鸛鵲鳩雉鶉燕雀然在在有之非特產
也地東南大宜木綿桑故蠶織之業廣焉然多為細人覬覦營利

遺傳傳
得來最能
言俗語者
宜悟入也
不解此法
客筆削為
竟同肅子
論東南蠶
利病洞
筆更甚
引以前官
人物傳
多就歷代
史書節錄
亦有點竄
志者非
對山手
筆畧為
言之不評
文法

故其人反貧。甚至寒不得衣，繼繡。諺曰：物豐于所聚，利竭于所產。豈不誠然乎？

別錄曰：芎藭生武功川谷。

官師志第五

韋維字文紀，進士對策高第，擢武功主簿，督役乾陵。會歲飢，維均力勸功，人不知勞，終太子右庶子。與宋之間同時。

維，安陸人。司庫員外郎。知人子。遷戶部郎中。善裁割。時員外宋之間善詩，故時稱戶部二妙。

駱賓王，義烏人。七歲能賦詩。初為道王府屬。王令賓王自陳所能，不答。歷為武功主簿。裴行儉總管洮州，辟掌書奏，不應。調長安簿。徐敬業敗，賓王亡命，不知所之。

裴行儉，字守約，聞喜人，善知人。

毛若虛，絳州太平人。眉長覆目，性殘鷲。天寶末，為武功丞。年六十

水

徐肅宗還京師擢監察御史後又至御史中丞有罪貶賓化尉
李愷并州文水人舉明經高第授咸安尉會母喪免除武功尉以
政尤異遷主簿累官京兆尹祿山陷東京蔣清害之贈司徒謚忠
懿。

愷音呈。按祿山陷東京留守李愷坐府中御史中丞盧奕坐
臺中祿山使人執之及採訪判官蔣清皆殺之非蔣清害愷也
薛播河中寶鼎人擢進士累授殿中侍御史遷武功令溫敏而
與人交有常官至禮部侍郎卒贈本部尚書。

張署貞元中舉進士博學宏詞為校書郎尋為武功尉治有政績
擢監察御史貞元十九年貶郴州臨武令尋移江陵掾京兆府司
錄參軍遷尚書刑部員外郎出為虔州刺史與韓退之同時終河
南令。

陳南仲潁川人貞元十八年為武功丞邑人宜之號為簡靖。

姚合詩集卷之第三
善詩世號姚武功

姚合陝州硤石人。中書令元之孫也。元和中進士及第。調武功尉。

善詩。世號姚武功。遷監察御史。累轉給事中。歷陝虢觀察使。終秘書

書監。合有武功縣居詩三十首。宋張及王頤為令。皆繼刻石。置

署中。縣居詩其二。縣去京城遠。為官與隱齊。馬隨山鹿放。雞雜野

藥。緣食學釣魚。養身成好事。此外盡空虛。其三。數官如馬足。種

在泥塵。到處貧。終年老。此外盡空虛。其三。數官如馬足。種

歸休。計深居。過此身。其四。簿書多不食。亦難消。醉臥鸛同。笑

其五。曉鐘驚曉夢。花兼蝶。至買石。得雲。其六。壯疎常愛。親

旋忘。餘酒數空。還長。羨劉伶。高眠。其七。壯疎常愛。親

故笑。悠終。縱山多。攜枕。因。始。其八。壯疎常愛。親

考千餘日。低腰。不。其七。客至。皆相。其八。壯疎常愛。親

假。因。醉。弃。官。方。鬚。髮。寒。唯。短。衣。衫。瘦。漸。長。自。嫌。多。檢。束。不。似。舊。來。狂。其八。一日。看。除。日。終。年。損。道。心。山。宜。衝。雪。上。詩。好。帶。風。吟。野。客。嫌。知。印。家。人。笑。買。琴。只。都。隨。分。過。已。是。錦。繡。深。其九。麟。里。皆。相。安。門。開。數。見。過。秋。涼。送。客。遠。夜。靜。詠。詩。多。就。梁。題。書。日。尋。欄。記。葉。從。到。官。無。別。事。種。得。滿。庭。茂。其十。曉。達。天。懸。與。人。間。事。莫。論。唯。寫。五。似。客。遠。縣。勝。村。竟。日。無。多。食。連。宵。不。閉。門。南。心。調。筆。硯。唯。寫。五。千。言。其十一。縣。僻。仍。牢。落。遊。人。到。便。回。路。當。邊。地。去。村。人。郭。門。不。

酒戶愁偏長。詩情病不開。可曾簡小吏。恐爲踏青苔。其十二自下
青山路。三年着綠衣。官卑食肉僭。才短事人非。野客教長醉。高僧
勸早歸。不知何計是。免與木心違。其十三日出方能起。庭前看種
莎。吏來山鳥散。酒熟野人過。岐路荒城少。烟霞遠岫多。同官數相
引。下馬上西坡。其十四作吏荒城裏。窮愁欲不勝。病多唯識藥。年
老漸親僧。夢覺空堂月。詩成滿硯水。故人多得路。寂寞不相稱。其
十五誰念東山路。栖栖守印床。何年得事盡。終日逐人忙。醉臥誰
知吐。閑書不著行。人間長檢束。與此豈相當。其十六朝朝眉不展。
多病怕逢迎。引水遠通澗。蠅山高過城。秋燈照樹色。寒雨落池聲。
好是吟詩夜。披衣坐到明。其十七簿籍誰能問。風寒起早眠。每旬
常乞假。隔月請官錢。還往嫌詩僻。親情惟酒顛。謀身須上計。終久
是歸田。其十八閉門風雨裏。落葉與階齊。野客嫌栖小。山翁喜枕
低。聽琴知道性。尋藥得詩題。誰更騎馬關。行祇杖藜。其十九塵
羶都不食。稍稍覺神清。夜犬因風吠。隣雞帶雨鳴。守官常臥病。學
道別稱名。小有洞中路。誰能引我行。其二十官名渾不計。酒熟日
開封。晴月消燈色。寒天挫筆鋒。驚禽時並起。閑客數相逢。舊國蕭
條思。青山隔幾重。其二十一假日多無事。誰知我獨忙。移山人縣
宅。種竹上城牆。驚蝶遺花蘂。蜂帶蜜香。惟愁明早出。端坐吏人
傍。其二十二門外青山路。因循自不歸。養生宜縣僻。說品喜宮微。
淨愛山僧飯。閑披野客衣。誰憐幽谷鳥。不解入城飛。其二十三一
官無限日。愁悶欲何如。席含鷺巢燕。尋方落壁魚。從僧乞淨水。爲
客報閑書。白髮誰能鑷。年來四十餘。其二十四朝朝門不閉。長似
在山時。賓客抽書讀。兒童斫竹騎。久貧還易老。多病懶能醫。道友
應相恠。休官日已遲。其二十五戚戚常無思。循資格上官。閑人得

事晚常骨覓仙難醉臥疑身病貧居覺道寬新詩久不寫自算少
人看其二十六漫作客身計今知拙有餘青衫迎驛使白髮憶山
居道友喜蔬食吏人嫌草書須為長久事歸去自耕鋤其二十七
吟詩易長愁慙慙問漁者暫借手巾釣其二十八長憶青山下
居遂性情疊壑溪石淨燒竹竈煙輕點筆圖雲勢彈琴學鳥聲
朝知縣印夢裏出縣居印朱沾墨硯戶籍雜經書月俸尋常請無
看山立無嫌出縣居印朱沾墨硯戶籍雜經書月俸尋常請無
乏斗儲其三十作吏無能事為文舊著功詩標八病外心有落百
中拜別登朝客歸依鍊藥翁不知還往內誰與此心同又有蓮
詩十二首皆作剝時詩也其一正月一日後尋春更不眠自知還
近僻眾說過如顛看水亭依路登山欲到天悠悠芳思起多是
風前其二卑官常少事解縣又無城未曉衝寒起迎春忍病行樹
枝風掉軟葉甲士浮輕最好林間鵲今朝足喜聲其三詩酒相牽
引朝朝思不窮皆痕雪水裏春色竹烟中迎雨綠池草催花倚樹
風盡非名利事愛此少人同其四塵中主印吏誰遣有高情越
簷前坐尋芳樹底行土融凝墅色水敗滿池聲漸覺春相泥朝
睡不輕其五疎頑無異事隨例但添年舊歷藏深篋新衣薄絮綿
暖風渾酒色晴日暢琴絃同伴無辭困遊春貴在先其六看春長
不足豈更覺深勞寺裏花枝淨山中水色高嫩雲輕似絮新草細
如毛併起詩人思還應費筆毫其七悠悠小縣吏顛顛入新年誰
思遣詩憐閑情被酒牽戀花林下飲愛草野中眠疎懶今成性誰
人肯更憐其八處處春光遍遊人亦不稀向陽獨吟歸其九朝朝
太嫩樹行移長幽禽語旋飛同來皆去盡衝夜獨吟歸其九朝朝

看春色。春色似相憐。酒醒鶯啼裏。詩成蝶舞前。摘花盈手。露折竹。
精野花。侵路春波水。上橋塵埃生。暖色藥草長。新苗看却煙光散。
狂風處處飄。其十一。身被春光引。經時更不歸。嚼花香滿口。畫竹。
粉粘衣。弄日鶯狂語。迎風蝶倒飛。自知疎懶性。得事亦應稀。其十。
二。曉脫青衫出。閑行氣味長。一甌春酒色。數頃野花香。朝客聞應。
羨。山僧見亦狂。不將童僕去。恐謂損風光。書縣丞舊廳宮殿半山。
上人家。向下列。古廳眠易覺。老吏語多虛。雨水澆荒竹。溪沙擁廢。
渠。聖朝收外府。皆是九天陰。縣中秋宿。鼓絕門方掩。蕭條作吏心。
蕭垂庭際草。螢照竹間禽。棋罷嫌無月。眠遲聽盡砧。還知未離此。
相復更。

張及舉進士。爲殿中丞。祥符八年。出爲武功令。有政績。喜文學。
及慕姚武功之爲人。於是刻姚武功縣居諸詩四十餘首于石。

种世衡洛陽人。放兄子也。初以放蔭補將作監主簿。天聖中。知武
功。天性嚴明。政令皆緣人情。本土俗凡所行先與民約。度其可必
行。始布下之。民以爲便已也。乃更求民所疾苦。與祛洗之。夏人犯
邊。自新平以下。時被屠掠。民沟沟莫能自保。或欲避南山。嶺僻中。

字名逸
南白
進士後
名石

世衡集僚佐父老告曰。所以敢發我者。徒以民未習戰。騎射餒寡爾。顧關中人何有難是者。於是選其子弟。教者數千人。置標的。與子弟約束騎射。乃鑄金錢。懸標的上。中。下。曰。中錢孔者。以錢予之。初三四人中錢孔。各予一錢。數日。則三四十人中錢孔。再踰月。則數百人皆連中錢孔。故當時稱武功人無弗善射者。世衡之所教也。初武功人數拒吏治。吏苦于追集。世衡曰。官慢令易信。故百姓不就此長吏之罪也。我今請易之。有所呼集。但以片紙榜其門曰。縣追某人。期某時到。追者即持所榜趨縣。毋後期者。其威信在人如此。至今猶傳之。後置制環慶鄜延邊事。皆有奇績。官止東院。使環慶路兵馬鈐轄。卒贈成州團練使。羌人朝夕哭臨者數日。清澗及環人皆畫像祠之。

王頤爲大理丞。治平中遷武功令。端重該博。治有良績。以縣故有

時有武功
公石飛卿
見司馬文
正公集

姚武功詩刻。久且蝕矣。廼更以五體書刻而識之。

高士微。開封人。爲令有治績。遷監察御史。後復貶知縣事。已而復遷御史給事中。官至御史大夫。

呂義山。蘭谿人。擢進士。初爲涇陽主簿。遷知武功。百姓親之。後遷監察御史。至戶部侍郎。

錢秉淮。陽人。知武功。愛民慎罰。民畏之如神明。私無敢犯令者。三年卒于官。

李宗大。梁人。舉進士。爲鄜簿。歷岐山武功令。所至有政聲。後知慶陽卒。

趙茂曾。洛陽人。先爲壽春令。建中靖國元年。知京兆府。孫覽奏更武功。崇寧元年。春始至官。用法平恕。三年治成。百姓咸服。

孟通。陽翟人。以仁厚治縣。號爲得體。民樂其用。修繕城郭官署學

光庭字公
養子門
人

勇以前職
官與明初
知縣相接
有耿都督
一則竟成
何如

校不刑一人。人趨事赴工。唯恐有不悅也。官至諫議大夫。

劉寧汶陽人。大觀四年知武功。臨政不苟。行已治事。以身爲先。時民感焉。詳見游靖碑。

張山甫。偃師人。熙寧間。除武功主簿。時米光庭簿萬年。程伯淳簿鄠。三子者齊名。關中號三傑焉。與張子厚善。故武功因有子厚綠野亭。

王君志失其名。世祖至元中爲武功令。建置廟學。工欲成。擢行臺掾去。

杜淵。長安人。繼王君知武功。能繼成王君之事。

興有耿忠者。鳳陽人。長興侯從弟也。洪武九年。詔統鳳陽軍。萬餘人屯戍關內。而居控于武功。號令嚴明。士毋敢易。暇日問俗廣教。民忻忻興禮讓焉。學校城郭。皆所議置。旋師之日。父老送者以

一十七人
總叙亦是
與前代職
官分別處
法本史記
實雅傳
列二十七
人事具穿
插迴環分
合伏露之
法可作一
大傳讀
能令人稱
其惠亦賢
矣
忘而不忘
是虛寫法
然亦非不
能忘者
迴顧天然
有平政只

數萬計。民至於今猶稱之曰耿三官人云。終都督僉事。潯西子曰。耿都督非武功吏。以有治及武功。故予得載之焉。

知縣自建置初。至撰志時。得之于故志。及父老所談說。與所身見者。二十有七人。具以所聞者。稍刻其行事。

嚴祀鳳陽人。洪武初除。故志稱其臨事簡愛民誠。然官署學校。與壇墀祠廟。皆所創作。草昧更革之際。而能如此。則可以知其志矣。賴禮南康人。第進士。除知武功。故志稱惠焉。

宮廷靜樂人。有明政。予少時於父老聞其事實。今忘之矣。終九年無細過去。

曹俊靜樂人。父老云。其行事無忝於官。亦九年去。

蘇孝通池人。正統時除。有平政于民。民德之。嚴公以後。凡言知縣者。無以加蘇公也。然善廉克謹。事無小大。無敢忽。即不怒。民無弗

是不作意
將嚴公以
下五人總
一筆用嚴
公贊蘇公
即借蘇公
顧嚴公法
妙事涉誕而
文獨佳

民不耐煩
官却耐煩
故事無留
帶仁厚有禮
四字擴而
充之即古
之循吏也

威弗惠民無弗懷。天順壬午卒于官。卒之日。百姓若喪考妣。故志載禱神事絕驗。其精誠所感。豈不信哉。今可以附見其微細。正統甲子。當鄉試。蘇公夢神人告曰。汝縣合舉二人。明日萃當試者十。一人置十一闕。以二花字內之。曰。得花者舉。已而李紀張翺得。後果二子得舉。

闕音鳩。括闕闕。取也。內與納同。

寇如圭。宜賓人。性剛毅明辯。遇事而決。無有留滯。嘗曰。細民何可令耐煩。如許九年致仕去。民咸思之。

劉志。河內人。爲人仁厚有禮。凡所施行。務存長者。民服其教。毋忍私違也。嘗值歲旱。聞太白靈湫。身往禱之。或以山多陰氣。恐其羸。備冒寒別有他咎。止之不聽。卒致湫來雨。隨至各沾足。其所未至。則絕無涓滴。百姓迎勞道左。以數萬計。見雨來則爭以雨具授。公

民心易感
如此

三人合傳

又題顧劉
公以上七

難無惡聲亦

治尚整肅
非有德者

不能政無
冗是知大

體者
精粹語讀

者當熟玩
之

公磨去。曰此神賦我民者我何可褻易不敬九年致仕去老幼婦
子哭逐振號者不可勝數語曰民可以誠動不可以詐劫其言豈
不足信哉。

李玉江西人。

張英沁水人。

孟王。大名人。三子者。雖少不逮前數公。要其無惡聲云。

邊鐸。葉城人。善罵。抄威儀以賊罷去。

抄與鮮
影同。

劉葵。鹽山人。美儀宇。治尚整肅。民敬畏之。

高璉。繁峙人。爽慨明允。政無冗焉。

張宏。內鄉人。成化中除。為政嚴毅有斷。凡所約束。民畏之。猶鬼神。
嘗曰。守令之職。治民事神而已。治民弗以禮教。是棄民也。事神不

言行相顧

成化時
十二人總
下語正
是顧瞻前
後處

能蠲潔職業。雖誠然猶慢也。夫刑罰以禁姦止邪。或加諸無辜。則何以訓。方來故其行事皆於言毋少戾矣。予少時聞長老談述張公之事。則私自識記。為政有綱紀文章。若張公其庶幾乎哉。後乃以誹罷去。至今咸以為冤。成化時知縣能顯名久遠者。顧獨有張公。

成化時知縣。謂寇如
王至王翼十二人。

劉翼介休人。朴魯無威儀。乃為百姓侮。成蠱腫亟歸。則死諸塗中。陳潤泗水人。好飲。喜用計數。民初亦易之。然能先人急難。仗義有口。成化甲辰歲大饑。民相食。流移者十已六七。潤集父老豪桀垂涕告曰。潤雖不才。尚賴倉有餘粟。可以活。父老子弟今悉去。將安舍之。况父老素無資蓄。一旦他委溝壑。何若死首邱乎。於是發倉。士大夫百姓賴以活者萬計。而其家實不肯私內一錢。是時

盜賊不
不嚴

尊禮士大
天正是以
禮自處

知政要矣

盜賊恣橫屬豪傑者四捕之雖東新立磔諸市由是比縣亦無盜
矣乃喜怒亡常遇士大夫或尊禮已甚卽又嫚罵無忌已卽又佯
若未罵者故士大夫多不直云官至應天府推官

王翼遼東人成化末除寬易善詭好遇士大夫必尊禮之焦上村
逆旅主人陰殺旅人匿其僨置屍遍滿數井翼悉發治之時以爲
能

王王祥符人弘治二年除目盲不能任事居兩年以憂去

宋學通字文淵湖廣永州人弘治四年除善治威儀與人接言笑
一無所苟左右雖久侍莫能揣摩意向性蠲潔謹守畏法令嘗曰
政在去其所害而興其所利爾他皆細故雖多毋足校也於是極
意砥礪至里老書算與諸在官人終其官莫得民杯酒者矣諸賦
役事期在均平或百方籌計善奸極巧之人毋能肆其夤緣呼集

重祿不爲
要譽所易
是有定見
皆

仁者之言

增補第二
十六人無

公事簡約省易止責諸直年餘盡燕坐亡擾地里遠近皆有定約
故卒亡後期者又喜勸勵學校日自督責諸生諸生卽有所毀譽
心不以易也曰我職蓋若此後穆祠綠野書院皆所創建民歡忻
向工若赴綯塗居九年以誣罷去人莫不冤之然益可以證其行
事矣許西子曰予爲生員時宋侯執守莊嚴蓋凜不可易云有貴
勢者得罪人之賂以宋侯與善也托解之焉侯卒不肯或曰此不
可失歡者公升止旦夕倘弗利奈何侯曰彼良善無辜而死觀有
以雪之今予明知其事又苟且弗決是上負邦典下負無辜鬼神
謂何竟坐法不少貸後所以成是誣者此貴勢陰爲之爾宋侯去
後遺法故行中才之吏取而行之亡弗效者至正德十二年始盡
變無有矣語曰知之非艱行之惟艱行之非艱守之爲艱豈不誠
然乎

能近人情
者即良吏
也

忽將第二
十五人預
透一筆不
測

有主意固
好視公私
可如耳

党茂忻州人。弘治十二年除。性淳篤質直。而善緘默。御史治民不責於人情之外。事完行而已。中更剛正。不畏強禦。譽來不喜。謗至不怒。有長者之道焉。當路者以爲才劣於縣。改渭源。檄至。慨然委任。以去人。至今稱其賢。茂後九年。而有濮劉氏益表表然長者也。

歐陽讓吉水人。弘治十五年除。能揣摩事體。凡有所施行。惟所私計。計定。卽擊呼噪於前。伴唯唯耳。卒不以易也。事小大多寡。亡有與吏一語者。吏饒敏慧。給辨莫能窺識所指。故吏皆殊窮。浸潤者終其官。雜費無紀。實不能鉤致一錢。嘗自言曰。已旣不能廉。又使人分虐下民。此何爲者。去之日。民亦無有怨者。

王志遼州人。弘治十八年除。尋以憂去。改南鄭。遷金州知州。

谷鍾仁字壽卿。臨潁人。正德元年除。有奇志。喜張大炫耀。凡所施

好賢樂士
其人之賢
可知

設惟恐人弗駭異也。中顧好賢樂士。暇則延士大夫。置酒高會。賦詩言志。其樂陶陶然。其意翛然。非筐篋刀筆所拘繫也。再踰年。以

憂去。

崔傑定州人。正德四年。自鳳翔丞遷。未幾以病罷去。

如此存心
不枉讀了
民之父母
一句

劉紹字繼芳。濮人。端謹誠篤人也。正德五年除。有書手作弊。紹發治之。踰月。書手死。其家人誣以為杖死也。昇其屍來。請金為葬。寮佐怒。欲治之。紹不肯曰。人死。杖木之下者。宜不少設。果非病死。吾為民父母。何忍其死無葬也。於是以金予之。哀矜惻怛。猶數月未平也。紹在官。當塗者咸禮重已甚。而居已治民。乃一切以長厚臨事。又能鎮靜罔躁。壬申癸酉之際。蜀漢有警。西征將士。供億不可勝元。他縣皆先期飭備。人不堪命。而至多弗稱。紹待其至。始徐為之。民不知勞。而士皆稱足。曰。民不可先事。久勞。人情勞久則逆。策

民不可先
事久勞此
不可

弗能爲川也。與人無間言。接士大夫。恭而有禮。公私宴會。輒引飲。不辭。卽甚醉。益從容不放。閒居未嘗出一妄言。十二年。以病告歸。小大一誠。終始無媿。古稱淑人君子。其儀一兮。心如結兮。蓋紹之謂也。至其犯而不較。毀譽不形。雖故稱長厚者。亦未能或之先也。孫昌字敬宗。陝州弘農人。正德十二年除。明年有憂。報至。卽日解印持喪。然貧莫能歸。昌因士大夫告巡撫公。巡撫公乃移檄縣吏。約爲治行。典史張進者。陰狡無狀人也。適代署縣事。新與昌忌。昌曰。若予典史治吾事。吾亡行之日也。於是索其派戶。來自治之。或多所低昂。民由是益不直昌。或怨言矣。進又妄把持昌。至指爲諱闕。不得行。士大夫以理喻之。始已。易曰。苦節不可貞。貧蹇屯乏之際。誠已難居者哉。

馬瑋字玉仲。遂寧人。正德十三年除。

筆法何等
高爭

縣丞十人
一傳典史
七人一傳
得體

事雖不經
亦足示戒
若庸手爲
之則可晒

縣丞有襄陵賈盛南陽寇銓蜀蔡華田濟項城魏信任邱劉琮汾
州呂彥士鄧州劉欽清平王江惟銓信終九年去而彥士能禁輯
強橫凡所施行捷於影響有機辯人咸畏之雖廉介不足亦一時
之能吏也居三年以憂去欽繼之能道說法令有犯者雖過誤悉
按法不少貸今有劉景鈞州人正德十二年自三原簿遷。

典史有董英常泰郭自經董廣劉英張儀張進董英沁人有才畧
民敬畏之及罷去猶服用毋敢後也董廣藁城人與宋侯同時宋
侯恒用之二董之後畧無足觀者張儀儀封人刻薄狡險善虐其
民取之極骨髓及語百姓則曰吾爲吏廉士大夫不知也卽有弗
廉我安敢昧城隍城隍靈當使我父子橫死同口不踰年果父子
同日死壯兵祇候儀宅者是夜未寐見二長鬚人皂衣持鎖突入
儀寢兵以爲同事者俄傳儀子死兵亟尋持鎖者內無有也乃儀

學起卽是
教無少怠
是學到自
然處也
可以教人
其謂能盡

亦暴死日中。張進固安八科索歲無虛日。民不能堪也。乃盜盜
不悛。至長吏不敢制。或有所不稱。數持刃擊令丞戶。克狠百種。置
令丞夜以繼日。毋有倦也。孫昌爲令時。進以私賊舉發。已逃去一
年。及覘知定安。乃復來。矜其逋久且貧。委曲與收俸治事。及昌
憂去。乃更以虛妄把持。明年御史行縣。汰去夫進視儀其惡甚
不少也。顧其報獨淺於德。何哉。

教諭有謝茂實。富順人。性嚴重。不苟爲笑語。日雞鳴而起。寒暑
雨無少怠。是時士習尚休重。武後則多畏懼。不敢肆矣。

楊春安岳人。勤以教人。而嚴以守之。士畏敬感激。無異存日。

王文解人。頗以剛毅自居。善忌多疑。所私比者。往往陰中人。過

失。文卽以爲謗。已輒慢罵。已以此士多不直。或怨憾矣。

林士雲邛人。勤學善教。歲無暇日。陳潤知縣時。有所會集。僚佐及

獨易之只
是無所求
於彼

論說終日
無信是講

教人惟恐
弗皆賢此
賢者之心

遼庵楊公
一清也王
公雲鳳號
虎谷山西
和順人

知縣師也

諸學官。或不敢正目。而士

獨易之陳亦不以爲慢已也。九年致

仕而去。

劉相成都人。性樂易有容。喜

教。士多愛之。後累遷唐府右

以吏

曹山字東陽。蜀榮縣人。性敏。幼有學。善問辨理道。教人懇懇。室

惟恐弗皆賢也。當是時。士習回漸實。不浮靡放恣矣。曹先生繼林

劉二君而造詣更進。故士益趨於學。浩浩乎莫之能禦也。濟西子

曰曹先生時。余正爲生員。親其教。其同時有趙先生爲訓導。遼

庵虎谷兩君子。又躬自督責。十之道際已過盛矣。故宜其汲汲於

學也。曹先生後至工部員外郎。

俞鼎字伯器。洛陽人。能使諸生亡犯所令。至號整齊。六年。遷靈安

知縣。有政績。尋改咸寧。再遷甘肅。行太僕寺丞。

一說百年
之如令人
其善教為
何如

能約束諸
生可以微
所學矣

文傑號桂
高少保貞
吉福

恣縱者非
真楚二物
不能化也

趙先生三
字童童用
之妙筆也
從史記平

金嘉玉字廷獻富順人正德十二年補除

訓導李善者楚人也有盛德克勤善教今去已百年而人思之如
在後又有曲沃人田禮曲新一子皆有令名其萊蕪人張顯孟人
張憲泌陽人魯文蜀人周吉不聞其行事故無能述焉

金鼎字大器榆次人順貌偉容博學善辯以條理約束諸生故諸
生毋敢違者日坐齋室心休休焉弗知其卑官矣

趙文傑字士英內江人性立遂罔計而甘貧嗜學寒暑顛沛不少
易也初來時察諸生皆可教乃殫盡心力敢後者則痛撻之諸生
方喜恣縱自得故亦多私怨謾趙先生者趙先生乃不嫌其怨謾
已顧督責益嚴時遂庵先生以綠野書院新成士就學者日廣方
遂擇學官知無如趙先生者於是以上正傳是以趙先生主綠野書院趙先生
益自砥礪故諸生至今能趣向於學焉濟西子曰昔余為諸生時

原君傳毛
先生得來

始經之而
其心服焉
此其所以
爲對山歟

志於教諭
訓導以先
生稱者三
人曹先生
山趙先生
文傑陳先
厚也

趙先生顧獨愛余。特厚爲貢。索余時視科舉績學。若秋毫浮烟。以
趙先生爲厲已也。或數梗之。趙先生乃遂讐視余。而余亦數年不
直。趙先生然。趙先生意在研精覃思。以成余之恢廓也。顧予卒戾
其指意。今夷思其行事。默數其所恒。翻其何能彷彿趙先生。孟子
曰。執德不回。非以干祿。蓋趙先生之謂矣。後趙先生遷雲夢。知縣
有悍民。趙先生力竄徙之。後竟以其黨所陷。罷去。此故成敗之際。
何可論趙先生也。

陳厚字熙載。合州人。承諸先生之後。其學又富贍可師也。故諸生
咸愛敬之。其同時有王延鳳。宜陽人。後又有建昌李咸。蔚州張仁。
然安能若陳先生者。今有楊錦榮。河人。

醫雖小道。然有足觀者。其表表然顯名于時。若扁鵲。倉公。列諸遷
史。况郡縣乎。今得其二人。附官師之末。楊均。長安人。以名醫召入。

太醫院授武功醫學訓科。診治殊驗。所著有傷寒撮要針灸詳說
行於世。康佐余從祖也。以醫推擇爲訓科。善方脈。能與病者踰年
決死生。歷千百人。亡一謬者。有醫問三卷。雜治畧五卷。診法一卷。

診音軫。
候脈也。



